

22 SEP 1997

Jerebu-Sarawak

PARAS API DI SARAWAK KEMBALI NAIK KE TAHAP 600

KUCHING, 22 Sept (Bernama) -- Indeks Pencemar Udara (IPU) di Sarawak kembali naik ke tahap bahaya dengan bacaan melepasi paras 600 tengah hari ini, sama seperti apabila perintah darurat jerebu diisytiharkan di negeri ini Jumaat lepas.

Usaha-usaha untuk mengadakan hujan tiruan sejak tengahari Sabtu nampaknya tidak mendatangkan apa-apa kesan ke atas cuaca kerana jarak penglihatan yang buruk menjadikannya sukar bagi percubaan untuk melihat hasil.

Pasukan dari Jabatan Kaji Cuaca dan pesawat Tentera Udara Diraja Malaysia (TUDM) digunakan dalam operasi itu gagal mengesan kedudukan tepat awan kumulus di mana pembenihan awan boleh dibuat.

Seorang jurucakap Jabatan Alam Sekitar (JAS) di sini berkata IPU telah naik ke 604 pada tengahari dari 591 pada pukul 11 pagi dan 473 pada pukul 1 pagi.

Bacaan IPU naik kembali apabila ia mula meningkat dengan pesat dari paras 346 pada tengahari semalam.

Jumaat lepas, Perdana Menteri, Datuk Seri Dr Mahathir Mohammad, mengisytiharkan darurat di Sarawak apabila bacaan IPU melepasi paras bahaya 500 buat pertama kali dengan catatan 646.

Sementara itu, jurucakap Jabatan Kaji Cuaca di sini berkata jarak penglihatan di Kuching dan and Bintulu turun kepada 300 meter dan di Sibul, Miri dan Sri Aman, 100 meter.

Berikut ialah bacaan setiap jam Indeks Pencemar Udara dan jarak penglihatan di Sarawak:

IPU: (Sumber: Jabatan Alam Sekitar Sarawak)

Masa            Bacaan

1 pagi -    473

2 pagi -    485

3 pagi -    497

4 pagi -    511

5 pagi -    526

6 pagi -    541

7 pagi -    526

8 pagi -    560

9 pagi -    569

10pagi -    579

11pagi -    591

12 tgh -    604

(0-50 - baik, 51-100 - sederhana, 101-200 - tidak sihat, 201-300 - sangat tidak menyihatkan, 301-500 bahaya)

Jarak Penglihatan pada pukul 9 pagi: (Sumber: Jabatan Kaji Cuaca Sarawak)

Kuching - 300 meter

Sibu - 100 meter

Miri - 100 meter

Bintulu -300 meter

Sri Aman - 100 meter -- BERNAMA

cj+opp WAT